

ადგილობრივი თვითმმართველობის მოხელის თანამდებობაზე დასანიშნად პირის მიერ გასავლელი კონკურსის და ადგილობრივი თვითმმართველობის მოხელის ატესტაციის სავალდებულო ეტაპის - ტესტირების ჩატარების მომსახურების სახელმწიფო შესყიდვის შესახებ

ქ. თბილისი

„14“ „ნოემბერი“ 2014 წ.

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებული.

1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.

1.1.3. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია (დაწესებულება), რომელიც ახორციელებს შესყიდვას.

1.1.4. „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში.

1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების მხარეები

2.1. ერთი მხრივ, ერედვის მუნიციპალიტეტი წარმოდგენილი ერედვის მუნიციპალიტეტის გამგებლის ოთარ ცოტნიაშვილის სახით (შემდგომში - „შემსყიდველი“) და მეორე მხრივ, საჯარო სამართლის იურიდიული პირი - შეფასებისა და გამოცდების ეროვნული ცენტრი (შემდგომში - „მიმწოდებელი“), წარმოდგენილი დირექტორის მოვალეობის შემსრულებლის ნინო ქაჯაიას სახით, ვხელმძღვანელობთ რა საქართველოში მოქმედი კანონმდებლობით და ვდებთ წინამდებარე ხელშეკრულებას შემდეგზე:

3. ხელშეკრულების საგანი

3.1. ხელშეკრულების საგანს წარმოადგენს ადგილობრივი თვითმმართველობის მოხელის ვაკანტური თანამდებობის დასაკავებლად გამოცხადებული კონკურსის და ადგილობრივი თვითმმართველობის მოხელის ატესტაციის სავალდებულო ეტაპის - ტესტირების ჩატარების მიზნით, ტესტური დავალებების შემუშავება და გამოცდის ორგანიზების მომსახურების შესყიდვა (CPV 79600000 - საქმიანობის შედეგების შეფასება), „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტის და „ადგილობრივი თვითმმართველობის მოხელის თანამდებობაზე დასანიშნად პირის მიერ გასავლელი კონკურსისა და ადგილობრივი თვითმმართველობის მოხელის ატესტაციის სავალდებულო ეტაპის - ტესტირების ჩატარების დროებითი წესის შესახებ“ საქართველოს მთავრობის 2014 წლის 5 სექტემბრის №1536 განკარგულების შესაბამისად.

4. მომსახურების ოდენობა, სახეობა, მიწოდების პირობები და ვადები

4.1. „მიმწოდებელი“ საკუთარი ინტელექტუალური და მატერიალური რესურსებით უზრუნველყოფს „შემსყიდველისათვის“ ტესტური დავალებების შემუშავებას (ქართულ ენაზე) საჯარო სამსახურის ბიუროს უფროსის 2014 წლის 10 სექტემბრის №73/სა ბრძანებაში მითითებული თემატიკისა და რაოდენობების შესაბამისად. საგამოცდო ტესტების თემატიკა გამომდინარეობს 1.

ნ. ქაჯაია

საქართველოს კონსტიტუციიდან 5 (ხუთი) დავალება; 2. „ადგილობრივი თვითმმართველობის შესახებ“ ევროპული ქარტიიდან 5 (ხუთი) დავალება; 3. „ადგილობრივი თვითმმართველობის შესახებ“ საქართველოს ორგანული კანონიდან 20 (ოცი) დავალება; 4. საქართველოს ზოგადი ადმინისტრაციული კოდექსიდან 5 (ხუთი) დავალება; 5. „საჯარო სამსახურის შესახებ“ საქართველოს კანონიდან 10 (ათი) დავალება და 6. უნარ-ჩვევების ნაწილიდან 15 (თხუთმეტი) დავალება.

4.2. მომსახურება გაწევა განხორციელდება ელექტრონულად, სპეციალური პროგრამის გამოყენებით.

4.3. შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

4.4. ადგილობრივი თვითმმართველობის მოხელის ვაკანტური თანამდებობის დასაკავებლად გამოცხადებული კონკურსი და ადგილობრივი თვითმმართველობის მოხელის ატესტაციის სავალდებულო ეტაპი - ტესტირება ჩატარდება 2014 წლის 16 ნოემბერს შემდეგ მისამართზე: ქ. თბილისი, კოსტავას ქ. №72 - საქართველოს ტექნიკური უნივერსიტეტის პირველ კორპუსში.

4.4.1. ტესტირება ჩატარდება 2 (ორი) სესიად:

- პირველი სესიისათვის რეგისტრაცია დაიწყება 10:00 საათზე, ხოლო გამოცდა დაიწყება 11:00 საათზე და დასრულდება 13:00 საათზე;

- მეორე სესიისათვის რეგისტრაცია დაიწყება 12:30 საათზე, ხოლო გამოცდა დაიწყება 13:30 საათზე და დასრულდება 15:30 საათზე.

4.5. შემსყიდველი ვალდებულია მიმწოდებელს Excell-ის ფორმატში მიაწოდოს იმ პირთა რაოდენობა, რომელთაც უნდა ჩაუტარდეთ ტესტირება, სადაც მითითებული უნდა იყოს კანდიდატის სახელი და გვარი, პირადი ნომერი (11 ნიშნა), ტელეფონის ნომერი და ელექტრონული ფოსტის მისამართი. აღნიშნული დოკუმენტი წარმოადგენს ხელშეკრულების განუყოფელ ნაწილს.

4.6. თითოეული კანდიდატი დამატებით იქნება ინფორმირებული ტესტირების დროის და ადგილის შესახებ მოკლე ტექსტური შეტყობინებით (რომელიც გაიგზავნება მის ტელეფონის ნომერზე) და ელექტრონული წერილით სამსახურებრივი ელექტრონული საფოსტო ყუთის მისამართზე. სსიპ - შეფასებისა და გამოცდების ეროვნული ცენტრი არ აგებს პასუხს იმ შემთხვევებზე, როდესაც ინდივიდუალური შეტყობინებების თუ ელექტრონული წერილის გაგზავნა ვერ ხდება მობილური ტელეფონის ნომრის და/ან ელექტრონული ფოსტის მისამართის არასწორად მოწოდების ან ტელეფონის/ქსელის გაუმართაობის გამო.

4.7. ტესტირების დროს საგამოცდო ცენტრში დასაშვებია მხოლოდ იმ პირების ყოფნა, რომელთაც აქვს შეფასებისა და გამოცდების ეროვნული ცენტრის მიერ გაცემული სპეციალური დოკუმენტი. ამ პირების საგამოცდო ცენტრში ყოფნამ ხელი არ უნდა შეუშალოს ტესტირების მიმდინარეობას, მათ ეკრძალებათ ტესტის შინაარსთან დაკავშირებით აპლიკანტების დახმარება ან მათი მუშაობისთვის ხელის შეშლა.

4.8. ტესტირების შედეგების გასაჩივრების მიზნით, დაწესებულებაში იქმნება საპრეტენზიო კომისია, რომელიც შესაბამისი ტესტირების პროცესის დასრულებიდან (ტესტირების ჩატარების დღიდან) 3 კალენდარული დღის ვადაში განიხილავს საჩივრებს და იღებს გადაწყვეტილებებს. საჩივარი ტესტირებაში მონაწილე პირმა საპრეტენზიო კომისიას უნდა წარუდგინოს შესაბამისი ტესტირების ჩატარების დღიდან ერთი კალენდარული დღის ვადაში. საპრეტენზიო კომისია მიღებულ გადაწყვეტილებებს დაუყოვნებლივ **არაუგვიანეს 1 (ერთი) კალენდარული დღის ვადაში** აწვდის შემსყიდველს.

4.9. ცენტრი უზრუნველყოფს ტესტირების მიმდინარეობაზე დაკვირვებას ვიდეო – აღჭურვილობის მეშვეობით.

4.10. იმ შემთხვევაში, თუ ელექტროენერჯის ან/და სხვა რაიმე ტექნიკური პრობლემის არსებობის გამო ვერ ჩატარდება ტესტირება დადგენილ თარიღებში, ტესტირებისათვის გამოიყოფა დამტებითი დღე.

## 5. ხელშეკრულების ღირებულება

5.1. ადგილობრივი თვითმმართველობის მოხელის ატესტაციის სავალდებულო ეტაპისათვის და ადგილობრივი თვითმმართველობის მოხელის ვაკანტური თანამდებობის დასაკავებლად გამოცხადებული კონკურსისათვის გაწეული მომსახურების ჯამური ღირებულება შეადგენს **450 (ოთხასორმოცდაათი) ლარს დღგ-ს ჩათვლით**.

5.3. მომსახურების ღირებულება ერთ კანდიდატზე შეადგენს **6 (ექვსი) ლარს დღგ-ს ჩათვლით**.

6. ჩუბო

5.3. თანხის გამოანგარიშებისას გათვალისწინებულია შემდეგი მაჩვენებლები:

- ა) გამოცდაში რეგისტრირებულ პირთა რაოდენობა - სულ 75 აპლიკანტი;
- ბ) გამოცდის ჩატარების ადგილი.

## 6. ანგარიშსწორების ფორმა და ვადები

6.1. „მიწოდებელთან“ ანგარიშსწორება ხორციელდება უნაღდო ანგარისწორების ფორმით ეროვნულ ვალუტაში, ფაქტიურად გაწეული მომსახურების შესაბამისად.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი.

6.3. „მიწოდებელი“ ფაქტობრივად გაწეული მომსახურების თაობაზე „შემსყიდველთან“ ადგენს მიღება-ჩაბარების აქტს, რის საფუძველზეც „მიწოდებელი“ „შემსყიდველს“ წარუდგენს საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

6.4. „მიწოდებელთან“ ანგარიშსწორება ხორციელდება მიღება-ჩაბარების აქტის გაფორმებიდან 10 (ათი) სამუშაო დღის ვადაში.

6.5. შესყიდვის წყაროა ადგილობრივი ბიუჯეტი.

## 7. შესყიდვის ობიექტის მიღება-ჩაბარების წესი

7.1. „შემსყიდველი“ გაწეული მომსახურების თაობაზე „მიწოდებელთან“ მომსახურების მიწოდებიდან 10 (ათი) სამუშაო დღის ვადაში ადგენს მიღება-ჩაბარების აქტს.

7.2. შესყიდვის ობიექტის მიწოდებად ჩითვლება მიღება-ჩაბარების აქტის საფუძველზე „შემსყიდველი“-ს მიერ იმ მომსახურების მიღება, რომელიც უნდა მიაწოდოს „მიწოდებელმა“ ამ ხელშეკრულებით გათვალისწინებული პირობებითა და წესით.

## 8. მხარეთა უფლებები

8.1. „მიწოდებელს“ უფლება აქვს:

8.1.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;

8.1.2. მოსთხოვოს შემსყიდველს ტესტირების მიმდინარეობისა და საპრეტენზიო განცხადებების განხილვის დროს უშუალოდ არ ჩაერიოს საგამოცდო პროცესში.

8.2. „შემსყიდველს“ უფლება აქვს:

8.2.1. მოითხოვოს მომსახურების მიწოდება ხელშეკრულებით გათვალისწინებულ ვადაში და პირობებით;

8.2.2. განახორციელოს კონტროლი და ზედამხედველობა მიწოდებლის მიერ ხელშეკრულების პირობების დაცვაზე;

8.2.3. მოითხოვოს მიწოდებლისაგან ტესტირების პროცესთან დაკავშირებული ინფორმაცია.

## 9. მხარეთა ვალდებულებები

9.1. „მიწოდებელი“ ვალდებულია:

9.1.1. დროულად და ხარისხიანად შეასრულოს ხელშეკრულებით განსაზღვრული პირობები;

9.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.2. „შემსყიდველი“ ვალდებულია:

9.2.1. უზრუნველყოს „მიწოდებლისათვის“ თანხის გადახდა მიღება-ჩაბარების აქტის გაფორმებიდან 10 (ათი) სამუშაო დღის განმავლობაში;

9.2.2. დაიცვას წინამდებარე ხელშეკრულების მოთხოვნები;

9.2.3. ყოველ მხრივ შეუწყოს ხელი მიწოდებელს ამ ხელშეკრულებით ნაკისრი ვალდებულებების შესრულებაში;

6. აქტი

**9.2.4.** უშუამდგომლოს მიმწოდებელს მუნიციპალიტეტში არსებულ დაწესებულებებთან, შესაბამისად აღჭურვილი ფართის გამოყოფის თაობაზე;

**9.2.5.** დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

## 10. ფორს-მაჟორი

**10.1.** ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

**10.2.** ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, „შემსყიდველის“ საბიუჯეტო ასიგნების მკვეთრი შემცირებით და სხვა.

**10.3.** ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. ასეთ შემთხვევაში ხელშეკრულება შეწყდება და მხარეები თავისუფლდებიან ნაკისრი ვალდებულებებისაგან.

## 11. ხელშეკრულების პირობების და ღირებულების გადასინჯვა

**11.1.** თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

**11.2.** სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ღირებულების გაზრდას ან შემსყიდველისათვის ხელშეკრულების პირობების გაუარესებას, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

**11.3.** საქართველოს სამოქალაქო კოდექსით 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

**11.4.** ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

## 12. სადავო საკითხების გადაწყვეტა

**12.1.** „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.

**12.2.** თუ შემსყიდველი და მიმწოდებელი ვერ შეძლებენ 10 (ათი) დღის ვადაში სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის მიხედვით მიმართოს საქართველოს საერთო სასამართლოს.

## 13. ხელშეკრულების შესრულების შეფერხება

**13.1.** თუ ხელშეკრულების შესრულების პროცესში მხარეებს წარმოეშვებათ რაიმე ხელშემშლელი გარემოებები, რომელთა გამო ფერხდება ხელშეკრულების პირობების შესრულება, ერთ-ერთმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების

ბ. ქაჭია

მიმღებმა მხარემ 5 (ხუთი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

**13.2.** იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

#### **14. მხარეთა მიერ ვალდებულებების შეუსრულებლობა**

**14.1.** ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (ამ ხელშეკრულებით გათვალისწინებულ ვადებში) შემთხვევაში, მხარეებს ეკისრებათ პირგასამტეხლო ხელშეკრულების ღირებულების 0.07%-ის ოდენობით ყოველ ვადაგადაცდილებულ დღეზე.

**14.2.** საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

**14.3.** იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, მხარეებს უფლება აქვთ შეწყვიტონ ხელშეკრულება.

#### **15. ხელშეკრულების კონტროლი**

**15.1.** ხელშეკრულების შესრულების კონტროლს და მიღება-ჩაბარების აქტის გაფორმებას შემსყიდველის მხრიდან განახორციელებს: **ადმინისტრაციული სამსახურის უფროსი ალექსანდრე მაისურაძე.**

**15.2.** შემსყიდველს ან მის წარმომადგენლებს უფლება აქვთ განახორციელონ შესრულებული სამუშაოს კონტროლი.

**15.3.** ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

#### **16. ხელშეკრულების ენა**

**16.1.** ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

#### **17. ხელშეკრულების შეწყვეტა**

**17.1.** ხელშეკრულება შეიძლება შეწყვეტილ იქნეს:

ა) მხარეთა შეთანხმებით;

ბ) საქართველოს მოქმედი კანონმდებლობით გათვალისწინებულ სხვა შემთხვევებში.

#### **18. ხელშეკრულების მოქმედების ვადა**

**18.1.** წინამდებარე ხელშეკრულება ძალაშია მისი ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულებების სრულად შესრულებამდე **მიმდინარე წლის 31 დეკემბრის ჩათვლით.**

#### **19. ინტერესთა კონფლიქტი**

**19.1.** სახელმწიფო შესყიდვების შესახებ" საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი და კონტროლის განმახორციელებელი პირები სრულად აკმაყოფილებენ ამ კანონის მოთხოვნას და არ იმყოფებიან ინტერესთა კონფლიქტში მიმწოდებელთან.

ნ. ჩუბი

**20. განსაკუთრებული პირობები**

**20.1.** ხელშეკრულება შედგენილია 4 ეგზემპლარად და თითოეულ მათგანს თანაბარი იურიდიული ძალა აქვს.

**20.2.** ხელშეკრულების ერთი ეგზემპლარი ინახება „მიწოდებელთან“, სამი ეგზემპლარი - „შემსყიდველთან“.

**20.3.** მხარეთა შორის წინამდებარე ხელშეკრულების საფუძველზე, დადებული ცალკეული შეთანხმებები (დანართები) წარმოადგენენ ამ ხელშეკრულების განუყოფელ ნაწილს და მათზე სრულად ვრცელდება ამ ხელშეკრულების პირობები, თუ მხარეები სხვა რამეზე არ შეთანხმდებიან.

**21. მხარეთა რეკვიზიტები:**

**„შემსყიდველი“**

**ერედვის მუნიციპალიტეტი**

მის: თბილისი, დ. აღმაშენებლის გამზ. №89/24

ს/კ: **218065055**

**„მიწოდებელი“**

**სსიპ - შეფასებისა და გამოცდების  
ეროვნული ცენტრი**

მის: ქ. თბილისი, მინდელის ქუჩა №9

ბ/კ: **CBASGE22**

ანგარიში № **GE92BS000000000133531**

ს/კ: **202198727**

სს „ბაზის ბანკი“

გამგებელი:



**ოთარ ცოტნიაშვილი**

დირექტორის მ/შ:



**ნინო ქაჯაია**